

## "3 MINUTUAN" LEHIAKETAREN OINARRIAK

### 2021eko DEIALDIA

Errektorearen 2021eko urriaren 4ko **2804/2021 EBAZPEN**Aren eranskina

Nafarroako Unibertsitate Publikoak apustu sendoa egin du zientzia eta teknologia zabaltzeko eta hedatzeko, zerbitzatzen duen gizarteari laguntzeko beste modu bat den aldetik. Horregatik, Nafarroako Unibertsitate Publikoak zientzia eta teknologia zabaldu eta hedatzeko sustatzen duen politikaren barnean, oso komenigarritzat jo da ikasleak saritzea baldin eta gauza badira espezialista ez den jendeari azaltzeko zergatik den garrantzitsua beren lana eta zertan laguntzen dioten gizarteari hari esker. Horren bidez, kontzientzia piztu nahi da ikerketaren arloko etorkizuneko profesionalen artean ongi jabetu daitezzen zeinen garrantzitsua den beren lana zabaltzea eta herritarren kultura zientifikoan laguntzea.

Aipatu helburuak lortzeko xedez, Nafarroako Unibertsitate Publikoak, 2012an lehen aldiz, "Tesiak hiru minutuan" lehiaketarako deia egin zuen. Hiru kategoriatan eman zen saria: doktoretza tesi baten komunikazio hoberena, master amaierako lan baten komunikazio hoberena eta ikasketen amaierako proiektu baten komunikazio hoberena.

Lehenbiziko bi sariak Nafarroako Unibertsitate Publikoko azken ikasmailetako ikasleentzat eta prestakuntzan ari ziren ikertzaileentzat ziren, eta Ikerketako Errektoreordetzak, Komunikazio Zerbitzuak (Kultura Zientifikoaren Unitatearen bidez) eta Hezkuntza Berrikuntzaren Goi Mailako Ikastegiak sustatu zituzten. Hauxe zen lehiaketaren muina: parte-hartzaileek denbora tarte mugatu batean azaldu behar zuten beren ikerketaren edo ikasketen amaierako proiektuaren garapena, modu egokian eta edozeinek ulertzeko moduan.

Ikusirik bai lehen bi edizioetan sortutako interesa eta bai izandako arrakasta ere, eta lehiaketaren eragina aupatzeko asmoz, egokituz jo zen hurrengo bi edizioetan (2014koan eta 2015ekoan) Campus Iberus osatzen duten lau unibertsitateetan prestakuntza jasotzen ari diren ikertzaileek parte hartzea. Hala ere, gradu eta master amaierako lanen kategoriak espresuki Nafarroako Unibertsitate Publikoko ikasleentzat gelditu ziren.

Azkenik, "Tesia hiru minutuan" lehiaketaren antolaketa Campus Iberusi dagokio, eta horregatik Nafarroako Unibertsitate Publikoak beste izen bat jarri zion lehiaketari, "Hiru minututan", eta lehiaketa Unibertsitateko gradu eta masterreko ikasleentzat antolatzen du.

### **Lehenengoa – Deialdiaren xedea**

"3 minutuan" izeneko lehiaketak desafio bat jartzen die parte-hartzaileei, hots, masterreko edo gradu eta azken ikasmailetako ikasleei: denbora tarte mugatu batean azaltzea, modu egokian eta edozeinek ulertzeko modukoan, zein den beren ikasketen amaierako lanaren nondik norakoa. Ikertzaile gazteen lana gizarteari hurbiltzea da lehiaketaren helburua, eta, aldi berean, haiengan zientzia eta teknologia zabaldu eta hedatzeko gogoia piztea. Horregatik, espezialista ez den jendeari jendaurreko ekitaldi batean ideiak komunikatzeko gaitasuna sarituko da.

Halaber, aurreko edizioetan bezala, lehiaketa hori gehiago zabaldu nahi da, Nafarroako Radio Nacional de Españarekin (RNE) finalera iritsitako lanak emateko lortutako akordioari esker.

### **Bigarrena – Finantzabidea**

Deialdi honek 2.900 euroko aurrekontua du guztira. Nafarroako Unibertsitate Publikoaren 2021eko gastuen aurrekontuko partiden kargura ordainduko dira:

- 305200/0610/141.07 Jarduera Kulturaletarako beste lansari batzuk, 450,00€
- 305200/0610/227.02 NUPetik kanpoko hizlariak eta profesionalak, beste jarduera batzuetarako, 450,00€
- 305200/0610/480.05 Beste transferentzia batzuk, 2000,00€

eta sari mota horien dotaziorako erabiliko dira, baita epaimahaikoen lansariak ordaintzeko ere.

### **Hirugarrena – Sarien modalitateak**

Sei saritarako deia egiten da, hiru modalitate bakoitzean: Hauek:

- A.- Master Amaierako Lanak: hiru sari (lehenbizikoa, bigarrena eta hirugarrena) master amaierako lanaren komunikazio hoberenei. **500, 300 eta 200 euro, hurrenez hurren.**
- B.- Gradu Amaierako Lanak: hiru sari (lehenbizikoa, bigarrena eta hirugarrena) gradu amaierako lanaren komunikazio hoberenei. **500, 300 eta 200 euro, hurrenez hurren.**

### **Laugarrena - Izangaiek bete beharrekoak**

Izangaiek honakook bete behar dituzte modalitate bakoitzean:

1.- A modalitatean (Master Amaierako Lanak), Nafarroako Unibertsitate Publikoan beren lana 2020-2021 ikasturtean aurkeztu dutenek izango dute parte hartzeko aukera, betiere deialdi honen seigarren oinarrian eskaerak aurkezteko ezarritako epea bukatu baino lehen egin badute defentsa.

2. B modalitatean (Gradu Amaierako Lanak), Nafarroako Unibertsitate Publikoan beren lana 2020-2021 ikasturtean aurkeztu dutenek izanen dute parte hartzeko aukera, betiere deialdi honen seigarren oinarrian eskaerak aurkezteko ezarritako epea bukatu baino lehen egin badute defentsa.

3.- Lehiaketan parte hartzeko eskatzen duten unean, modalitateetarako izangaiek egiten ari diren master amaierako lanaren edo gradu amaierako lanaren zuzendariaren oniritzia beharko dute.

4.- Lehiaketan parte hartzen dutenek ematen duten datu edo informazio orok zabaltzeko modukoa izan behar du. Ikerketak konfidentzialtasun-hitzarmenen baten mendekoak badira, parte-hartzaileek kontrastatu beharko dituzte lehiaketako parte-hartzearen edukiak hitzarmenak ukitutakoekin. Nafarroako Unibertsitate Publikoak ez du bere gain hartuko hori ez betetzeak ekar ditzakeen arau-hausteen ardura.

5.- Ikasleek konpromisoa hartzen dute lehiaketa egiten den egunean bertan izateko. Parte-hartzea presentziala izanen da nahitaez (ez da onartuko bideokonferentziaz edo horrelako sistemen bidez egitea).

## **Bosgarrena – Lehiaketaren garapena**

Lehiaketa 2021eko azaroan egingen da.

Antolatzaileek, parte-hartzaileen kopurua kontuan hartuta, saio bakar batean egin dezakete dena, edo aldez aurreko hautaketa fase bat ere antolatu deialdiko modalitateen arabera.

Ikasle bakoitzak hiru minutu izanen ditu bere aurkezpena egiteko. Honakoak azalduko ditu: zein den bere ikerketaren gaia, zer arazo identifikatu duen, bere lanak nola laguntzen duen irtenbide bat bilatzen eta nolako eragina izanen duen bere lanak gizartean oro har edo, zehazki, komunitate akademikoan eta ikertzaileen komunitatean. Gainera, lana Nazio Batuen 2030 Agendaren Garapen Jasangarrirako 17 helburuetako batekin lotu beharko (2015eko irailean onestitako agenda).

Aurkezpena prosaz eta gaztelaniaz egin behar da. Lagungarri modura, diapositiba estatiko baten proiektioaz baliatzen ahalko da, baina ez beste ezertaz. Ezin da erabili beste ezein elementu (esaterako, bideo edo audio artxibategiak), ezta bestelako osagarrikerik ere, adibidez, musika tresnak, laborategiko materiala edo jantziak. Ez da zilegi, bestalde, bertaritzen den jendearekiko elkarreraginaz baliatzea.

Automatikoki bazterturik geldituko dira gehieneko denbora gainditzen dutenak, hots, hiru minutu.

Azken fasea bideoz grabatuko da, eta irabazle gertatzen diren aurkezpenak Nafarroako Unibertsitate Publikoaren webgunean egonen dira ikusgai. Jendaurreko saioak komunikabideetan ere eman litezke, baita Interneten bidez ere.

Lehiaketaren finalera iristen direnek minutu batera laburtu beharko dute beren lana, irratiz emateko. Aurkezpenak RNE Nafarroan grabatuko dira, eta irradi publiko horretan emanen dira "Píldoras Científicas: espacios de divulgación de la investigación de la UPNA" (Zientzia-pilulak: NUPEko ikerketa zabaltzeko tartekak) izeneko saioan.

Lehiaketa egin aurretik, prestakuntza-saio batera joateko aukera emanen zaie parte-hartzaileei. Prestakuntza-saio horretan, jendaurrean mintzatzeko trebetasunak, oratoria teknikak, eta komunikazioa eta irradi-hizkuntza landuko dira.

## **Seigarrena – Eskaerak aurkeztea**

Sariketa honetan parte hartu nahi dutenek eskaera bat aurkeztu behar dute horretarako ematen den inprimakia betez. Inprimakia Nafarroako Unibertsitate Publikoaren Kultura Zientifikoaren Unitatearen webgunearen bidez eskuratu daiteke ([www.unavarra.es/unidadculturacientifica](http://www.unavarra.es/unidadculturacientifica)), deialdi honen II. eranskinean ageri da, eta, bertan, argi adierazi beharko da sariaren zer modalitatetan parte hartu nahi duen lehiatzaileak.

Deialdi honetan parte hartzeko eskaerak Nafarroako Unibertsitate Publikoko erregistroetan aurkeztu behar dira, Iruñeko campusean (Arrosadia z.g., 31006) zein Tuterakoan (Tarazonako etorbidea z.g.), astelehenetik ostiralera eta 8:30etik 14:30era arte, edo 2015eko urriaren 1eko 39/2015 Legearen 16.4 artikulua b) apartatuan eta hurrengoetan aipatzen diren bitarteetako edozeinen bidez.

Eskaera posta bulego batean aurkeztuz gero, gutun-azal irekian egingen da, posta zerbitzuko langileak, ziurtatu aurretik, data eta zigilua jar ditzan, eta ondoren egiaztatu

eta bidali Nafarroako Unibertsitate Publikoaren Erregistrora (Arrosadiko campusa, z.g., 31006 Iruñea).

Eskaerak aurkezteko epea deialdia argitaratu eta hurrengo egunean hasiko da, eta 2021eko urriaren 18ko 14:00etan amaitu.

“Hiru minutuan” lehiaketara aurkezteak deialdiaren oinarriak erabat onartzea dakar berekin.

### **Zazpigarrena – Eskaerak tramitatzea**

Eskaerak aurkezteko epea bukatu ondoren, Nafarroako Unibertsitate Publikoaren Kultura Zientifikoaren Unitateak deialdi honetako laugarren oinarriko 1., 2. eta 3. ataletan zehaztutako betebeharrak betetzen ote diren aztertuko du. Eskatzaileek aski dute betebeharrak betetzen dituztela esatea, eta ez da beharrezkoa izanen dokumentu bidez egiaztatzea, non eta Kultura Zientifikoaren Unitateak ez dien eskatzen egiaztatzeko.

Tramitera onartutako eskatzaileen eta ezarritako betebeharrakoren bat ez betetzeagatik baztertutako eskatzaileen behin-behineko zerrenda Nafarroako Unibertsitate Publikoko Kultura Zientifikoaren Unitatearen webgunean argitaratuko da. Eskatzaileei 5 egun baliioduneko epea emanen zaie, behin-behineko zerrenda aipatu webgunean argitaratu eta biharamunetik kontatzen hasita, atzemandako gabeziak konpontzeko edo dagokien dokumentazioa osatzeko. Ezarritako epean egin ezean, eskaera ezin izanen da tramitera onartu.

Erreklamazioak ebatzi ondoren, Nafarroako Unibertsitate Publikoko Unibertsitate Proiektzio, Kulturako eta Dibulgazio errektoreordeak Unibertsitateko errektoreari igorriko dio onartutakoen behin betiko zerrenda, ebazpen baten bidez onetsia izan dadin. Ebazpena Nafarroako Unibertsitate Publikoaren Kultura Zientifikoaren Unitatearen webgunean argitaratuko da.

Interesdunek, ebazpen horren aurka, zilegi dute berraztertzeko errekurtsua aurkeztea Nafarroako Unibertsitate Publikoko errektorearen aurrean, hilabeteko epean, edo, bestela, administrazioarekiko auzi-errekurtsua maila bereko Nafarroako Auzitegietan, bi hilabeteko epean, ebazpena Nafarroako Unibertsitate Publikoaren Kultura Zientifikoaren Unitatearen webgunean argitaratu eta biharamunetik kontatzen hasita.

Ebazpena aipatu webgunean jartzen bada ere, Nafarroako Unibertsitate Publikoak oinarri honetan ezarritako behin-behineko eta behin betiko onartutakoen ebazpenak argitaratuko ditu, beren ikasleen artean ahalik eta zabalpen handiena lortzeko egokien jotzen duen tokian edo bitartekoaren bidez. Argitaratze horiek ez dira kontuan hartuko onartutakoen ebazpenen aurka erreklamatzeko edo errekurtsua aurkezteko epea zenbatzeari begira.

### **Zortzigarrena - Ikasle sarituen betebeharrak**

1. Saridunek jasotzen duten diru kopurua nahi bezala erabiliko dute, eta 2021eko abenduaren 31 baino lehen ordainduko zaie.

2. Nafarroako Unibertsitate Publikoak, araudi indardunak ezartzen duenarekin bat, behar diren atxikipenak egingo ditu sarien diru kopuruan zerga modura. Aplikatu beharreko atxikipena, Pertsona Fisikoen Errentaren gaineko Zergaren Erregelamenduko 78. artikulua ezartzen duenez, % 15 da.

3. Deialdiaren oinarriak ez betetzea, edo datuak ezkutatzea, aldatzea edo haietan iruzur egitea erabakia atzera botatzeko zioak izan daitezke, eta, hala gertatuz gero, sarietatik hartu den dirua itzuli beharko da.

### **Bederatzigarrena – Sarien epaimahaia**

Nafarroako Unibertsitate Publikoko Unibertsitate Proiektzioko, Kulturako eta Dibulgazioko errektoreordea izanen da epaimahaiko burua, eta epaimahaia beste lau kidek osatuko dute. Kide hauek errektoreak izendatuko ditu, aipatutako errektoreordeak proposaturik. Gutxienez bi kide komunikazioko eta zabalkuntza zientifikoko adituak izanen dira, Nafarroako Unibertsitate Publikotik kanpokoak.

Nafarroako Unibertsitate Publikoko Unibertsitate Proiektzioko, Kulturako eta Dibulgazioko errektoreordeak eskatuta eratuko da epaimahaia, eta horretarako deia egingen du. Unibertsitate Proiektzioko, Kulturako eta Dibulgazioko Errektoreordetzak, bestetik, azken fasean epaimahaiaren lana errazteko behar diren kudeaketak egingen ditu.

### **Hamargarrena. Balioesteko irizpideak**

Epaimahaiak honako irizpide hauek hartuko ditu aintzat parte-hartzaileak baloratzeko garaian:

- 1.- Ulermena. Puntuazioa 1etik 10 puntura bitartekoa izanen da. Aurkezpena jendeak lana uler dezan lagungarria ote den hartuko da kontuan. Horretarako:
  - Lanaren funtsaren eta helburuen adierazpen garbia egin behar du.
  - Ikerketaren muina zein den adierazi behar du.
  - Aurkezpena hurrenkera logiko batean eman behar du.
2. Inplikazioa. Puntuazioa 1etik 10 puntura bitartekoa izanen da. Aurkezpena jendearen jakin-mina pizteko egokia ote den hartuko da kontuan. Horretarako:
  - Ez dio garrantzirik kendu behar ikerketari, eta ez du sinplifikatu behar.
  - Lehiatzaileak bere lanarekiko grina transmititu behar du.
  - Jendearen arreta bereganatu behar du, eta hari eutsi.
- 3.- Komunikazioa. Puntuazioa 1etik 10 puntura bitartekoa izanen da. Aditua ez den jendearentzat lanaren gaia eta haren garrantzia modu egokian komunikatzen ote dituen hartuko da kontuan. Hau da, parte-hartzaileak:
  - Behar adina baliatu behar du ikus-kontaktuaz eta ahozko erregistroaz, erritmoari eutsi behar dio eta bere buruarekiko segurtasuna erakutsi.
  - Ez du erabili behar jargoi zientifikoa, terminologia beharrezkoa azalduko du, eta aurrekariak azalduko ditu zenbait puntu argitzeko.
  - Behar bezala banatuko du denbora.
  - Aurkezpenean, diapositiba estatiko bat izanen du lagungarri, diapositiba argia, zehatza eta irakurtzen erraza, baina hizketari baliorik kendu gabe.
4. Garapen Jasangarrirako Helburuekiko lotura. Puntuazioa 1etik 10 puntura bitartekoa izanen da. Aintzat hartuko da lanaren gaia lotua egotea Nazio Batuen 2030 Agendaren Garapen Jasangarrirako 17 helburuetako batekin: helbuaren definizioa, zer alderdi

dagoen lotua ikasketa amaierako lanarekin eta nola laguntzen duen zuzenean edo zeharki hura lortzen.

### **Hamaikagarrena – Sariak ematea**

1. Lehiaketaren azken fasea egiten den saioan berean emanen da epaimahaiaren erabakiaren berri.
2. Epaimahaiak Nafarroako Unibertsitate Publikoko errektoreari bidaliko dio sariak emateko proposamena, lehiaketaren helburuak betetzeari eta aurkezpenen kalitateari buruzko txosten arrazoituarekin batera. Errektoreak behin betiko ebazpena emanen du, eta, bertan, sariak emateko erabakia eta saritutako izangaien zerrenda ezagutaraziko ditu.
3. Zilegi da sariak eman gabe uztea epaimahaiaren iritziz egin behar bada edo izangairik ez badago.
4. Nafarroako Unibertsitate Publikoko errektorearen behin betiko ebazpena, sariak emateari buruzkoa, Nafarroako Unibertsitate Publikoaren Kultura Zientifikoaren Unitatearen webgunean emango da argitara. Halaber, Unibertsitate Proiektzioko, Kulturako eta Dibulgazioko Errektoreordetza ebazpenari ahalik eta zabalpen handiena ematen saiatuko da. Interesatuek, ebazpen honen aurka, zilegi dute berraztertzeko errekurtsua aurkeztea Nafarroako Unibertsitate Publikoko errektorearen aurrean, hilabeteko epean, edo, bestela, administrazioarekiko auzi-errekurtsua maila bereko Nafarroako Auzitegietan, bi hilabeteko epean, Nafarroako Unibertsitate Publikoaren Kultura Zientifikoaren Unitatearen webgunean argitaratu eta biharamunetik kontaktzen hasita.

### **Hamabigarrena – Argitalpena**

Deialdi honen oinarriak Unibertsitateak publizitaterako dituen hedabideetan jarriko dira (egoitza elektronikoa: Prozeduren katalogoa / Ikasleak / Bekak, laguntzak eta sariak; eta Nafarroako Unibertsitate Publikoko Kultura Zientifikoaren Unitatearen webgunean).

Deialdi hau aplikatzeko emandako gainerako egintzak Nafarroako Unibertsitate Publikoaren Kultura Zientifikoaren Unitatearen webgunean argitaratuko dira.

Nafarroako Unibertsitate Publikoaren Kultura Zientifikoaren Unitatearen webgunean argitaratzea izango da deialdi honetako epeak eta tramiteak betetzeari begira kontuan hartuko den publizitate ofizialeko tresna bakarra. Dena dela, modu osagarri eta ez ofizialean, interesdunei posta elektronikoa bidez edo beren ikasle eta ikertzaileen artean ahalik eta zabalpen handiena lortzearren Nafarroako Unibertsitate Publikoak egokien jotzen duen tokian edo bitartekoaren bidez ere egin litezke jakinarazpenak.

### **Hamahirugarrena - Datuen babesa**

Deialdi honetan parte hartzeak NUPen ikasketa amaierako lan bat (IAL) aurkeztu duten eta deialdian parte hartu nahi duten pertsonen datu pertsonalak tratatzea ekarriko du berekin.

Datu hauek tratatuko dira: izena, deiturak, NANA, helbide elektronikoa, telefona eta aurkeztutako proiektua. Azkenean hautagaiak beka jasotzen badu, kontu korrontearren zenbakia edo ordaintzeko beharrezkoa den beste datuen bat ere tratatuko da.

Era berean, lehiaketaren finala grabatzeko eta irratian eta Interneten zabaltzeko asmoa dago, eta horrek berekin dakar hautagaiaren ahotsa, irudia eta IALari buruzko informazioa tratatzea eta iragartzea. Tratamendu hori deuseztatzeko edozein eskaera informazio-erreseina honen arabera aztertuko da, eta, onetsiz gero, NUPEk zentzuzko ahalegin teknologikoak egitera mugatuko du bere jarduna. Bestetik, gogoan izan behar da nahitaez errespetatu behar dela datuak babesteko araudia IALa prestatzean eta argitaratzean.

Datu horren tratamenduaren arduraduna Nafarroako Unibertsitate Publikoa da, eta Datuak Babesteko Erregelamendu Orokorra (DBEO) eta Datu Pertsonalak Babesteari eta eskubide digitalak bermatzeari buruzko 2018ko abenduaren 5eko 3/2018 Lege Organikoa bete behar ditu.

Zure datu pertsonalak, beraz, deialdi hau tramitatzeko eta gauzatzeko tratatuko dira, interes publikoko xedeei jarraikiz (ikasketa amaierako lanen zabalpena) eta Datuak Babesteko Erregelamendu Orokorren 6.1.e) artikuluekin bat etorritik. Halako xedeen oinarri juridikoa zabalkunde akademikoa da, Unibertsitatei buruzko 2001eko abenduaren 21eko 6/2001 Lege Organikoa ezarritakoaren arabera.

Zilegi da datuak eskuratzeko eta zuzentzeko eskubidea eta bestelako eskubideak erabiltzea, datuak babesteko araudiari jarraikiz: [delegado.protecciondatos@unavarra.es](mailto:delegado.protecciondatos@unavarra.es)

Azken aukera gisa, Datuak Babesteko Espainiar Agentziari aurkezten ahalko zaio erreklamazioa, hemen:  
<https://sedeagpd.gob.es/sedelectronica/web/vistas/formReclamacionDerechos/reclamacionDerechos.jsf>

### **Hamalagarrena - Errekurtsoak**

Interesdunek, deialdi honen eta bere oinarrien aurka, zilegi dute berraztertze errekurtsoa aurkeztea Nafarroako Unibertsitate Publikoko errektorearen aurrean, hilabeteko epean, edo, bestela, administrazioarekiko auzi-errekurtsoa maila bereko Nafarroako Auzitegietan, bi hilabeteko epean, Nafarroako Unibertsitate Publikoaren webgunean argitaratu eta biharamunetik kontatzen hasita.

**XXX/2021 Ebazpenaren eranskina****TITULUA “3 minutuan” lehiaketaren deialdia**

Lehen deitura

Bigarren deitura

Izena

NANa

Telefonoa

E-maila

Zer modalitatetara aurkezten den:

Gradu amaierako lanak

Master amaierako lanak

Titulazioa

Izenburua

Zuzendaria

Irakurketaren eguna

Aditzera ematen dut master edo gradu amaierako lanaren zuzendariaren baimena daukalala sariketa honetan parte hartzeko.

Aditzera ematen dut hitzaldian emandako datuek eta informazioak ez dutela deusen konfidentziasuna urratzen.

Eguna

Sinadura

Non aurkeztu

Los datos personales del interesado contenidos en este formulario serán objeto de tratamiento por la Universidad Pública de Navarra en su condición de Responsable de Tratamiento. Este tratamiento se justifica en el propio consentimiento del interesado y en los fines que justifican la cumplimentación del formulario, explicitados en el texto del propio formulario.

El tratamiento de datos debe desarrollarse conforme al Reglamento (UE) 2016/679 General de Protección de Datos y a la Ley Orgánica 3/2018, de 5 de diciembre, de Protección de Datos. Los derechos de los interesados sobre acceso, rectificación, supresión, limitación, oposición u otros relativos a la protección de datos podrán ejercerse ante [delegado.protecciondatos@unavarra.es](mailto:delegado.protecciondatos@unavarra.es)

Interesdunak inprimaki honetan adierazitako datu pertsonalak Nafarroako Unibertsitate Publikoak erabiliko ditu datuen tratamenduaren arduraduna den aldetik. Tratamendu honek bi oinarri ditu: batetik, interesdunaren baimena, eta, bestetik, inprimakia bete behar izatearen helburuak, inprimakiaren testuan berean adieraziak.

Datuen tratamendua Datuak Babesteko 2016/679 EB Erregelamendu Orokorrari eta Datu Pertsonalak Babesteko 2018ko abenduaren 5eko 3/2018 Lege Organikoari jarraikiz egin beharra dago. Interesatuak eskubidea du datuak sartzeko, zuzentzeko, ezabatzeko, mugatzeko, haiei kontra egiteko eta datuen babesari buruzko beste zenbaitetarako, betiere helbide hau erabiliz: [delegado.protecciondatos@unavarra.es](mailto:delegado.protecciondatos@unavarra.es).